



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Na osnovu člana 70. i člana 25. Zakona o javnim nabavkama („Sl. glasnik BiH“, broj: 39/14), člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke, direktor Ustanove donio je sljedeću

ODLUKU

o izboru najpovoljnijeg ponuđača

I

Kao najpovoljniji ponuđač u postupku nabavke robe široke potrošnje (LOT 5- razni prehrambeni proizvodi) za potrebe JU „Naše dijete“ Tuzla, provedenog putem otvorenog postupka, izabran je „Redex“ d.o.o. Banovići.

II

Zadužuje se stručni saradnik za poslove javnih nabavki da obavijesti sve ponuđače o izboru najpovoljnijeg ponuđača iz člana I ove odluke.

III

Zadužuje se Služba za pravne, kadrovske i opće poslove da pripremi sve preduslove za zaključenje okvirnog sporazuma sa izabranim ponuđačem po proteku predviđenih zakonskih rokova i procedura.

IV

Vrijednost ove nabavke iznosi 17.578,00 KM bez PDV-a i ista se uklapa u procijenjenu vrijednost nabavke iz Plana nabavki za 2021. godine, red. br. robe 5., šifra JRJN za ovaj LOT 15800000-6.

V

Odluka stupa na snagu po konačnosti, a dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama i biće objavljena na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH („Sl. glasnik BiH“, broj: 39/14).

OBRAZLOŽENJE


Na osnovu Zahtjeva za pokretanje postupka javne nabavke br. 01-11-2436-1/21, direktor Ustanove je donio Odluku o pokretanju postupka nabavke u otvorenom postupku br. 01-11-2436-2/21 od 22.07.2021. godine. Postupak je objavljen na Portalu javnih nabavki BiH broj obavještenja 1194-7-2-59-3-17/21 od 02.07.2021. godine, dok je predmetnu tendersku dokumentaciju u sistemu „E-nabavke“ preuzelo 13 (trinaest) privrednih subjekata.

Nakon prijema ponuda, Komisija za provođenje postupka javnih nabavki, imenovana Rješenjem br. 01-11-258-1/2021 od 22.01.2021. god., konstatovala je sljedeće:

- za LOT 5 blagovremeno je ponudu predalo 4 (četiri) ponuđača: „Robot general trading Co“ d.o.o.; „Bosna-kom“ d.o.o. Gračanica, TPDC „Sarajevo“ d.d. i „Redex“ d.o.o. Banovići.

- nije bilo neblagovremenih ponuda;

- ponuda ponuđača TPDC „Sarajevo“ d.d. je ocijenjena neprihvatljivom jer je ponuđač u cilju dokazivanja uslova iz tačke 3.3 tenderske dokumentacije (tehnička i profesionalna sposobnost), na str. 24 ponude (ponuda za LOT 1), dostavio Ugovor o pružanju usluga preventivne dezinfekcije, dezinsekcije i sistematske deratizacije br. 04-03/20 od 17.03.2020. godine zaključen između TPDC „Sarajevo“ d.d. i „Sanacija 3D“ d.o.o. Sarajevo što nije u skladu s tačkom 3.3.1 tenderske dokumentacije u kojoj stoji: „...Dostaviti potvrdu/uvjerenje od firme ovlaštene za provođenje mjera sanitarne zaštite o provođenju mjera dezinfekcije, dezinsekcije, deratizacije u skladu sa Pravilnikom



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

o načinu obavljanja obavezne dezinfekcije, dezinfekcije i deratizacije („Službene novine FBiH“ broj 30/16), Pravilnikom o načinu obavljanja dezinfekcije, dezinfekcije i deratizacije („Službeni glasnik Republike Srpske“ broj 118/18), u zavisnosti od sjedišta ponuđača, ili u skladu s propisima druge države u kojoj ponuđači imaju sjedište...Tražena potvrda/uvjerenje ne smije biti starija od 3 mjeseca, računajući od dana dostave ponude. “ S obzirom da ponuđač nije dostavio traženu potvrdu/uvjerenje nego kopiju ugovora, ovjerenu 29.12.2020. godine iz kojeg se ne može nedvosmisleno utvrditi da li je ugovor i dalje na snazi i da li se tražene mjere provode, propustio je da ispuni tražene zahtjeve iz tenderske dokumentacije. Takođe, ponuda ponuđača TPDC „Sarajevo“ d.d. je ocijenjena neprihvatljivom iz razloga što ista nije bila uvezana na odgovarajući način. S obzirom da je u tački 4.1 tenderske dokumentacije navedeno: „Ponuđač koji učestvuje na više LOT-ova, dokumente tražene tačkama 3.1, 3.2, 3.3 i 3.5 ove tenderske dokumentacije...može dostaviti na jedan od sljedećih načina: a) uz ponudu koja je prva po redoslijedu LOT-ova na koji se prijavljuje ili b) posebno uz svaki LOT.“, kao i sljedeće: „Ponuda se čvrsto uvezuje na način da se onemogućiti naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućiti naknadno vađenje ili umetanje listova. Pod čvrstim uvezom se podrazumijeva ponuda uvezana, odnosno ukoričena u knjigu ili ponuda osigurana jamstvenikom.“ Ponuđač koji odluči da traženu dokumentaciju dostavi uz ponudu koja je prva po redoslijedu, preuzima rizik da se eventualne nepravilnosti iz ponude koja je prva po redoslijedu, a koja se odnosi na zajedničku dokumentaciju i za ostale LOT-ove, uzmu u razmatranje prilikom evaluacije ostalih ponuda tog ponuđača.

Analagno tome, s obzirom da ponuda ponuđača TPDC „Sarajevo“ d.d. za LOT 1, u kojoj je sadržana zajednička dokumentacija za ostale LOT-ove, nije bila uvezana na odgovarajući način, odnosno, nije osigurana jamstvenikom, ponuđač TPDC „Sarajevo“ d.d. je propustio da ispuni traženi zahtjev.

Imajući u vidu sve navedeno, ponuda ponuđača TPDC „Sarajevo“ d.d. je ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14);

- ponuda ponuđača „Robot general trading Co“ d.o.o. je ocijenjena neprihvatljivom zbog sljedećeg: ponuđač je za stavku 13. Aneksa 3 - obrazac za cijenu ponude (Ulje suncokret 1/1) u koloni 4 - Naziv proizvođača i pakovanje (gramaža) ponuđenog proizvoda, naveo tri proizvođača za traženi proizvod zbog čega je nejasno proizvod kog proizvođača je ponuđen;

- ponuđač je za stavke 16. (sir topljivi za mazanje min.8/1) i 17. (svježi krem sir, min. 200 g) Aneksa 3 – obrazac za cijenu ponude naveo naziv proizvoda a ne proizvođača istog, a što je bio obavezan tenderskom dokumentacijom, zbog čega je jasno da je ponuđač „Robot general trading Co“ d.o.o. propustio da ispuni traženi zahtjev.

Imajući u vidu navedeno, ponuda ponuđača „Robot general trading Co“ d.o.o. je ocijenjena neprihvatljivom i odbačena u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“, broj 39/14).

-ponude ostala dva ponuđača ispunjavaju uslove tražene tenderskom dokumentacijom i iste su ocijenjene prihvatljivim;

- u tenderskoj dokumentaciji je predviđeno provođenje e-aukcije, u skladu sa Pravilnikom, a planirana e-aukcija za ponuđače koji su ispunili sve tražene uslove zakazana je za dan 12.08.2021. godine. E-aukcija je započela u 13:00 i trajala do 13:36 sati. Aktivno učešće u e-aukciji su uzela oba privredna subjekta.

U postupku donošenja ove odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

tome, ugovorni organ je konstatovao da najpovoljniji ponuđač ispunjava uslove i da se ponuda uklapa u finansijska sredstva predviđena za ovu nabavku, te je iz tih razloga odlučeno kao u dispozitivu.

Pouka o pravnom lijeku:

Protiv ove Odluke može se uložiti žalba u roku od 10 dana od dana prijema. Žalba se izjavljuje Uredu za razmatranje žalbi BiH putem ugovornog organa i ista se podnosi pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3 u dovoljnom broju primjeraka.

DOSTAVLJENO:

1. Ponuđaču x 4
2. Spis
3. A/a



DIREKTOR

Karić

/ Karić Sanja, dipl. iur /

Broj: 01-11-2436-23-5/2021
Tuzla, 12.08.2021. godine

[Handwritten signature]

